

# Wider den Erlognen Schelmischen Ehrndiebischen Titel auff D.

IOACHIM Mörleins Buch /

# Dö der Rechtfertigüg des Glaubês

zu dem er seinen Namen / ans Liecht zusetzen /  
aus Pösem **GEWISSEN** /  
gescheuet hat.

## Andreas Siander.

Psalm. X.

Sein Mund ist vol Fluchens / Falsches vnd Trugs /  
Sein Zung richtet Mühe vnd Arbeit an.

Psalm CXL.

Ein böß Maul wirt kein Glück haben auff Erden.

## Bedruckt zu Königsberg in Preussen.

XXVIII. May.

# M. D. LII.



Faint, illegible text at the top of the page, possibly bleed-through from the reverse side.

STUDIOS QUARTER

Handwritten text, possibly a date or reference number, appearing as bleed-through.

Handwritten text, possibly a name or title, appearing as bleed-through.

Pol. 6. II, 916 adl 4

Handwritten text, possibly a name or title, appearing as bleed-through.

Handwritten text, possibly a name or title, appearing as bleed-through.

Handwritten text, possibly a name or title, appearing as bleed-through.

M.D.L.II



Handwritten number: 818783

**Andreas Osiander, Vicepraesidens**  
des Bistums auff Samland / Professor Theologiae /  
in der Schul / Vnd Pfarrherr in der Alten  
Stadt zu Königsberg.

Dem Christlichen Leser / vnd allermeniglich / denen dise  
meine schrift / zu lesen / oder anzuhören furkombt.

**G**RA D / Frid / vnd Barmhertzigkeit / von Gott dem  
Vater / vnd von seinem eingepornen Sohn / Ihesu Christo  
vnserm Herrn / durch gezeügnus des heyligen Geists Amen.

**U**ND thu hiemit zu wissen / Das nach dem ich / mein  
Bekantnus / von dem ainigen Nitler Jesu Christo /  
vnd Rechtfertigung des Glaubens / an den Durch-  
leüchtigen Hochgebornen Fürsten vnd Herrn / Herrn Albrech-  
ten den Eltern / Marggrauen zu Brandenburg / ꝛc. Hertzo-  
gen inn Preußen ꝛc. meinen gnedigen Herrn / Wie mir von  
seiner S. D. auffgelegt / gestellet / vnd vberantwort hab / da  
hat Doctor Joachim Mörlein / ein ander Buch / wider das  
selbig mein Bekantnus geschriben / vnnd haben sich Doctor  
Petrus Hegemon / oder Hertzog / vnd Doctor Georg Vene-  
diger / vülleicht darumb / das sie nicht aigne Bücher haben  
wollen machen / mit ihm vnterscriben / Welchs ich ihnen  
noch heütigs tags / so ferne sie selbs wollen / zum glimpff /  
vnnd nicht zum vnglimpff gemeldet haben wil / dann ich  
kan ja noch nicht glauben / das ihr ainer / wann er fur sich  
selbs / hett sollen schreiben / ein solch lesterlich Buch (ob  
ihnen schon mein lehr nicht gefellet) wider mich würd ge-  
schriben haben / Darumb wil ich den Mörlein alleyn fur  
dises buchs Tichter halten / es stehe mit den andern gleych  
wie es wolle.

Dasselbige Buch / geht nün im Tract auß / vnter disens  
Tittel / Von der Rechtfertigung des Glaubens / gründelicher  
xij warhafftiger

warhafftiger Bericht / etlicher Theologen zu Königsberg / im  
Preußen. Nach diesen wortten volget alsbald / ein neues / erlo-  
gens / erstunckens / Böswichtisch / Schelmisch / vnd Ehrn-  
diebisch capitelein / wider mein Lehr vnd Person / das lautet  
also. Wider die neue verfürische vnd Antichristische Lehr  
Andree Osiandri / darinnen er leügnet / das Christus / in seinem  
vnschuldigen leyden vnd sterben / vnser Gerechtigkeit sey.

Im disen kurtzen wortten leügt gedachter D. Joachim  
Mörlein / mich vnd mein Lehr sibenfeltig an / als ein loser  
leychfertiger / vnuerschambter Bub / Böswicht / Schelm /  
vnd Erhdieb / das will ich jetzo alsbald im diser kurtzen  
schriffte auff ihn erweisen.

Dann erstlich / Will er sagen: mein Lehr sey meiner Person  
halben new / vnd ich hab nicht allweg also gelehret: so leügt  
er mich an / wie oben gemeldet ist / das hab ich schon reych-  
lich bewisen / vnd im truck lassen außgehn / vnd hat dasfel-  
bige Büchlein den Tittel / Beweyfung etc.

Zum andern / Will er sagen / mein Lehr sey derhalben  
new / das sonst keyn anderer Namhaffter Theologus zu vn-  
sern zeytten also gelehret hab / wie ich / so leügt er mich aber-  
mals an wie oben gemeldet ist / Dann Luther hat im seinen  
besten sprüchen eben die Lehr geführt / die ich füre / das hab  
ich schon auch bewisen / mehr dann mit fünffzig zeügnussen /  
aus Doctor Luthers büchern gezogen / vnd im truck geben /  
vnd hat daselbig büchlein den Tittel / Etliche schöne sprüch  
von der Rechtfertigung des Glaubens / D. Martini Lutheri.  
Ist auch noch keiner gefunden / der die selbigen hett wider-  
legt / vnd trotz allen meinen widersachern / das sie nur dises  
ainig kleyn sprüchlein Lutheri widerlegen / oder mir nemen / da  
er spricht / Christus durch den Glauben / ergriffen / vnd im  
vns wonend / ist die Christlich Gerechtigkeit / vmb dero willen  
vns Got für gerecht helt etc. So hat

So hat der Aichtbar Ehr Johann Brentius / sambt an-  
dern vilen Oberlendischen Theologen / auff S. D. in Preußen  
vnfers gnedigen Herrn / gnedigs fragen / von meiner Lehr  
also geurtailt / Osiander lehret hierinne / sovil wir aus  
seiner Confession vernemen mögen / vnd wir ihm auch als  
einem feinen / geleerten Christlichen Lehrer zugetrawen / Christ-  
lich vnd wol / das Christus warer Gott vnd Mensch / sey  
nach seiner götlichen Natur / vnser rechte / ware / vnd ewige  
Gerechtigkeit / wie dann auch allein Got / vnser rechts liecht  
Leben / Weyßheit vnd Seligkeit ist.

Darneben aber erklet er sich auch / das er hiemit / weder  
die menschliche Natur Christi / noch jren Verdienst / verwor-  
fen vnd vernichtigt haben wölle / sonder lehret / das Christus  
als ein getreuer Mieler durch vollkommene erfüllung des ge-  
setzs / vnd durch sein leiden vnd sterben für vnser sund / gegen  
Gott seinem himlischen Vatter / von vnsern wegen / gehandelt  
vnd erworben hat / das er vns die sund vergeben / vnd nicht  
mehr darumb verdammen will / vns auch vnser schwachheit  
vnd schuld / das wir das Gesetz in diesem leben keins wegs  
erfüllē / dieweil es Christus für vns erfüllet hat / nicht zurechnet.

So verwirfft vnd außschleust er auch nicht den Glau-  
ben / sonder sagt / Wann wir solchs mit rechtgeschaffnem / vnd  
festem Glauben fassen / so werden wir gerechtfertigt.

Vnd helet recht vom Glauben / das man den Glauben  
verstehn soll / nicht lehr vnd ploss / wie er an jm selbst ein  
Tugendt ist / sonder das er den Herrn Jesum Christum / wa-  
ren Gott vnd Menschen / gantz vnd gar vnzerrent / ergreiff /  
vnd in sich schließe / das also der Herr Christus selbs vnser  
Gerechtigkeit sey.

Das ist nun vnfers verstands / die gemaine Christliche  
Lehr / so bisanher aus Gottis gnaden / in der rechten Christ-  
lichen Kirchen / auff solche kurtze weis / getriben worden ist /  
X ist Nemlich

Nemlich das wir gerechtfertigt werden, nicht durch den verdienst vnserer Werck/sonder durch den glauben/ allain von wegen Jesu Christi/vnsers Heilands.

Deß gleichen schreibt Brentius mehr dan an einem ort, vber das Euangelion Johannis/sonderlich vber das funft vn̄ sechst capitel. Item Doctor Urbanns im Dialogo/spricht/Christus Gottis warer/natürlicher Sohn selbs / ist vnser Gerechtigkeits worden. Vnd andere schöne sprüch mehr/ die ich umb kürz willen/auff ein andere zeit sparen will.

Zum dritten/ Will er dann sagen / mein Lehr sey darumb new / das die alten Väter nicht also gelehret haben/ so leüge er mich abermals an / wie oben gemeldet ist / dann ich hab ihm vnd andern / meinen widersachern das zeügnus Augustini zum Consentio / mehr dann einmial für die nasen geschriben/ aber ihr keiner kan ihn widerlegen / sollens auch wol ewig anstehn lassen. Zu dem schreibe Clemens Alexandrinus / der vor vierzehndhalbhundert jarn / gelebt hat / die Gerechtigkeits sey ein gleichheit / vnn̄ das wir des Lewtseligen Gottis teylhafftig sein etc.

Zum Vierden/ Will er dann sagen / mein Lehr sey darumb new / das sie inn der Aposteln vnd Propheten schrifften nicht begriffen sey / so leüge er mich abermals an / wie oben gemeldet ist / dann ich habs in meinem Bekantnis reychlich bewisen / Vnd hilfft ihn nicht / das er so schendelich vnn̄ vnuerschembt / als ein plünder / der mutwilligs ihm selbs die augen außgestochen hat / vnd nicht sehen will / inn seinem Buch wider mich leüget / ich beweise sie nicht mit einem ainigen wort / dann ich habs bewisen / aus dem 23. vnd 33. capit. Jeremie / der da spricht / Man werd Christum nennen **¶** vnser Gerechtigkeits / das ist / Göttliche Natur/oder götlichs Wesen vnser Gerechtigkeits / Ich hab auch genugsam bewisen / das **¶** nichts anders/dann götliche Natur

Natur/ vnd Göttlichs wesen haiff/ Ich habß bewißen auß dem  
45. cap. Iesaiæ / wider Philippum. Item auß Paulo/ 1. Co-  
rin. 1. Christus ist vns worden zur weyßheit von Gott / vnd  
zur Gerechtigkeit/etc. auff das / wer sich rühmet / sich des  
Herrn/ (das ist/ des  $\overline{\text{N}}\overline{\text{N}}$ ) rühme. Item auß dem ersten  
buch Moses am 15. cap. auß der Epistel zum Römern am 3.  
5. 10. capiteln. vnd andern schrifften mehr / wie ich ihm in der  
völligen Antwort/ gewaltig wider vnter die nasen stoffen wil.

Zum fünfften / schilt er mein Lehr vorfürisch / vnd wie-  
wol es auch nicht war ist / wie es dann noch keiner bewißen  
hat / ob sie wol vil darwider geplaudert haben / es sey dann  
das sie das verfürisch haiffen / das die Leüth von dem Wit-  
tebergischen Pündischuch / zu Jesu Christo / vnd durch Chri-  
stum zum vater füret / So will ich doch solche lügen jetzo  
nicht hefftig anziehen / sonder inn der völligen Antwort  
redlich auff ihn beweyßen / das er mein Lehr hierinne auch  
freyenlich angelogen hat.

Zum Sechsten / Leügt er mich noch vil schendlicher an  
dann wie obgemeldet ist / da er sagt / mein Lehr sey Antichri-  
stisch/ dann der Antichrist hat das schendlich malzeychen/ das  
er mus laugnen / das Ihesus Christus ins fleysch kōmen sey/  
dann der heylig Euangelist Johannes / inn seiner ersten Epistel  
am 4. cap. schreibt also / daran solt ihr den Geyst Gottis  
erkennen / Ein jeglicher Geyst / der da bekennet / das Ihesus  
Christus ist inn das fleysch kōmen der ist von Got / Vnd  
ein jeglicher Geyst / der da nicht bekennet / das Ihesus Chri-  
stus ist inn das fleysch kōmen / der ist nicht von got / vnd das  
ist der Geyst des Antichrists / von welchem ihr habt gehört/  
das er kōmen werd / vnd ist schon jetze inn der welde

Ann leugne ich je nicht/ das Ihesus Christus sey ins  
fleisch kōmen/ sonder glaub von hertzen/ bekenne mit dem  
mund/lehr in der Schul/ vnd auff der Cantzel / vnd streit  
all meins vermögens/ wider die Widersprecher/ Das der Sohn  
des lebendigen

Des lebendigen Gottis/den er von ewigkeit her geporn hat/  
sey warlich ins flaisch kommen/vnd hab ein ware gantze  
volkommenliche/menschliche Natur/von flaisch vnd plut/  
der hochgelobten allweg Jungfrauen Marice/aus dem stam  
vnd samen Davids an sich genommen/vnd sey vns aller ding  
gleich worden / außgenommen die sund/Hab in solcher mens  
scheit das Gesetz fur vns erfüllet / sey fur vnser sund ge  
storben/hab Gnad vnd Vergebung erworben/vns mit dem  
Vatter versonet / Vnd laß vns nun durch die Predig des  
Euangelions/solchs furtragen vnd anpieten auff das/waß  
wirs glauben/wir durch solchen glauben gerecht werden.

Deßgleichen glaub/bekenn/lehr/vnd streit ich/Das er  
auch in vnser flaisch kommen sey/Vnd wohnte durch den  
Glauben in vns/Eph. 3. vnd 2. Corinth. 3. vnd 6. item Ro.  
8. Daher gehörn die schönen sprüch/aus der heiligen schrifft  
der ich vber dreißig E. j. vnd Doctor Luthers/der ich vber  
die vierzig J. ij. in meinem Bekantnus dargethon hab /  
welche mir fur Gote vnd der Welt wol zengnus geben/ das  
ich von hertzen bekenn/das Jesus Christus in das flaisch  
komen sey/vnd derhalben stracks wider den Antichrist streit/  
Darumb/je feindseliger/je schendlicher/vnd je verfluchter der  
Name des Antichrists ist/ je ein grösserer/vnerschembter/  
verlogner/Bub/Böswicht/Schelm/vnd Ehrndieb der Mör  
lein ist/der mein Lehr/die das rechte Malzeichen hat/eines  
Gaists/der aus Gott ist/wider die offenlichen heiligen schrifft  
wider mein getruckte Pücher/vnd wider sein aigen erstor  
ben Gewissen / thar Antichristisch schelten vnd verlestern /  
Was er vnd Stancarus sonst mehr schriftlich vnd münd  
lich/als solt ich der Antichrist selbs sein/geplaudert haben/  
soll die vollig Antwort mit prinzen.

Zum sibenden/Thut er erst das maul weit auff/vnd  
lest den Lügengaißt/der sein hertz eingenomen hat/ein grosse/  
grobe/greifliche/vngeheure/vnmenschliche Lügen/gleich wie  
ein starcken



ein starcken Wasserstrom' / wider vnd vber mich / durch seinen  
rachen außgiessen / mit der er sah maint mich zwertrencken /  
zuerschwemmen / vnd zuerschrecken / da er spricht / Ich leügne  
das Christus inn seinem vnschuldigen leyden vnd sterben /  
vnsere Gerechtigkeit sey.

Hilff Allmechtiger Got / wie ist der Teuffel so gewaltig  
inn dem Man / Das ist der haupt Artickel / vber dem ich  
wider all meine feind kempff / biß auff gefahr leybs vnd  
lebens / Nemlich das Jesus Christus / warer Got vnd mensch  
sey vnsere Gerechtigkeit / er sey gleych inn Mutter Leyb / oder  
Schoss / oder gehe auff der gassen / oder hang am Creutz /  
im leyden / oder sey im Tod / oder inn der helle / er sey erstan-  
den / Wandel bey seinen jüngern / oder fahr gen himel / vnd  
sitzet zur rechten Gottis / so ist er jeder zeyt / vom anfang  
der welt / bis ans end / die Gerechtigkeit aller glaubigen /  
Darumb leügt mich der Angstbösewicht / alhie auff's allergiff-  
tigst / vnd mörderist an / wie ich droben gesagt hab.

Nach dem ich nun die sibben lügen auff ihn bewisen hab /  
Will ich nun auch beweisen / das er selbs der gotlose schwer-  
mer / Ketzer / vnd abgefallen Mammaluck ist / der da laugnet /  
das Ihesus Christus vnsere Gerechtigkeit sey / vnd Lugstrafe  
also Esaiam / Jeremiam / vnd Paulum / dann da S. D. inn  
Preußen / vnsere gnediger Herr / von ihme / Staphylo  
Hegemone / vnd Veneto / gleych so wöl / als von mir / Be-  
kenntnis von der Gerechtigkeit des Glaubens forderte / die ich  
bald inn Truck geben will / hat Morlein mit eigener handt  
also geschriben.

Vnsere Gerechtigkeit / die wir auch die Gerechtigkeit des  
Glaubens nennen / ist nichts anders (merck eben Christli-  
cher Leser / das Morlein spricht nichts anders) dann der  
schmehliche bittere todt / vnschuldige schweyß / vnd auffste-  
hung / vnsers lieben Herrn vnd Heylands / Ihesu Christi /  
Nun ist

Nun ist ihē der Todt Christi / weder sein menschliche noch  
sein göeliche Natur / sonder nur ein leyden / das auffgehört  
hat / Rom. 6. So ist sein auffstehung auch weder sein  
menschliche noch göeliche Natur / sonder nur ein werck /  
das schon volendet ist. Item / Sein schweyß ist nicht / die  
gantze menschliche Natur / ob er wol inn der menschlichen  
Natur ist / vil weniger ist er die göeliche Natur / Darumb/  
dieweyl er sprichet / Gerechtigkeit sey nichts dann Christi tod/  
schweyß vnd auffstehung / So müssen wir wol sehen / vnd  
wann wir blindt weren / dannoch greiffen / das er weder die  
menschlichen noch die göelichen natur / noch sie baide sambt-  
lich / sonder alleyn sein blutvergiesen / sterben / vnd auff-  
stehung / zur Gerechtigkeit will haben / wie er auch gepre-  
diget hat / er sey weder nach der göelichen / oder nach der  
Menschlichen Natur vnser Gerechtigkeit / sonder allein inn  
seinem Amte / Darumb thut er selbs / das er mich felschlich  
zeyhet / vnd laugnet / das Christus vnser Gerechtigkeit sey /  
Raubet vns Christum / vnd setze seine werck / an seine stadt /  
vnd andere stück mehr / die mein vollige Antwort an tag  
bringen sol.

Ob aber jemandt würd gedenccken / ich wer zu heffig /  
der wisse / das ich D. Mörleins liegen / schelten / lestern /  
fluchen / vnd vormaldeien / auff der Cantzel vnd sonst / Welche  
allen menschen die es nicht gehört haben / vnglaublich ist /  
lenger dann jar vnd tag gelitten / Vnd nicht hinwider ge-  
scholten / on das ich die groben lüge ( vnuermeldet cyniger  
person ) angetastet hab / die da saget / Ich lehret jeezo anderst  
dann vor etlichen jaren / noch thar er inn seinem lügenpuch  
schreyben L ij. Ich hab ihn vnd seine vnterschribne / ( maint  
villeicht noch andre mehr ) schelm / pößwichter / Ehrndieb /  
vnd keezer gescholten / daran er leüget / als ein solcher / Die-  
weil er nun solchß / mit vnwarheit durch zwoy tausent Exem-  
plar / wider mich inn die welde außgeußt / wie er mich vor  
auch verlogen hat / ich trette das plytt Christi mit füßen /  
vnd

vnd der gleychen / damit ers wol verdienet / das ich ihn schelte /  
so will ichs ihm auch war machen.

Dann ich halts dafür / er hab gemaine / dieweil ich so  
lang still geschwigen / ich forcht mich vor ihm / vnd seinem  
anhang / Aber er sols im werck spüren / das es viel andre  
ursach gehabt hat / das ihm so lang ist zugesehen / Sein  
bekantnis / vnd sein lügenpuch / sambt andrer vilen lügen-  
schriffen / sein nun heraus / vnd lassen sich nicht durch  
laugnen / widerumb hinein schlicken / wie die Ehrndiebischen  
lügen / vnd gots lesterungen / die etlich auff der Cantzel auf-  
gespeyet haben / Darumb will ich auch furo / gegen ihm /  
vnd denselben / vil anderst handeln / dann ich bissher gethan  
hab / dann ich wil gegen sie handeln / als gegen verlognen  
schelmen / pöfwoichtern / vnd ehrndieben / wie sie es auch sein.

Ich zweyffel aber nicht / Mörlein wirdt hierüber gar  
toll vnd töricht werden / vnd herwider schelten vnd lestern /  
als ein rasender besessner Mensch / sonderlich / dieweil ihn  
sein gewissen / als ein ungehorsamen auffrührischen wirdt  
schlagen / dieweil er disen erlognen / schelmischen vnd ehre-  
diebischen Tittel / ehe / dann jms S. D. erlaubt / meüchlings  
im truck hat fertigen vnd außgehn lassen / Darumb bezeüg  
ich fur Got / vnd der welde / das ich ihn fur einen solchen  
nichtigen Man hale / des schelten vnd lestern / nichts gebe  
oder nehme / Wils derhalben verachten / als wans die vn-  
verschembtist huer / oder ergester Bub auff erdrich theten /  
Mieler zeyt / pitt ich alle fromme Christen / sie wollen den  
Mörlein fur ein solchen Man halten / wie ihn jetzerzete  
seine lügen / vnd andre mehr / sambt seinem ungehorsam  
Abcontrafeyen / vnd dargeben / so lang / bis er die greülichen  
lesterlichen lügen / so er auff mich gethon hat / genugsam  
erwise / das wirdt er nicht thun können jmer vnd ewiglich.

A m e n.

Handwritten text at the top of the page, appearing as bleed-through from the reverse side.

Second block of handwritten text, also appearing as bleed-through from the reverse side.

Third block of handwritten text, continuing the bleed-through from the reverse side.

A small, centered line of text, possibly a signature or a specific reference.

